

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 49. Zakona o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 14/20), člana 14. Uputstva o načinu uplate i korištenja primljenih tekućih transfera i donacija za budžetske korisnike („Službene novine Zeničko-dobojskog kantona“ broj: 6/12 i 17/12), tački I. i II. Odluke Vlade Federacije Bosne i Hercegovine broj: 1059/2020 od 29.07.2020. godine, te člana 2. Ugovora o dodjeli podrške iz Budžeta Federacije Bosne i Hercegovine broj: 02-11-12925-1/20 od 11.08.2020. godine, na prijedlog Ministarstva finansija, Vlada Zeničko-dobojskog kantona, na 89. sjednici, održanoj dana 23.12.2020. godine, d o n o s i

ODLUKU

o uključivanju neplaniranih tekućih transfera u Budžet Zeničko-dobojskog kantona za 2020. godinu

Član 1.

(Uvećanje rashoda)

Odobrava se uvećanje rashoda u Budžetu Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), na način da se u dijelu II. POSEBNI DIO, u koloni 13. Plan Budžeta za 2020. godinu, razdjel 21, budžetska organizacija 01, potrošačka jedinica 0001 – Ministarstvo zdravstva, ekonomski kod 614100 – „Ostali transferi za zdravstvo – tekući transfer zdravstvenim ustanovama za sprečavanje širenja bolesti izazvane virusom COVID – 19“, uvećava za 2.000.000,00 KM (slovima: dvamiliona konvertibilnih maraka).

Član 2.

(Utrošak sredstava)

Sredstva iz člana 1. ove odluke utrošit će se na ime transfera zdravstvenim ustanovama, prema kriterijima koje utvrdi Ministarstvo zdravstva, a za namjenu sprečavanje širenja bolesti izazvane virusom COVID – 19, odnosno za sanaciju posljedica nastalih uslijed proglašene pandemije COVID – 19.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija Zeničko-dobojskog kantona, svako u okviru svoje nadležnosti.

Član 4.

(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

po Odluci predsjedavajućeg Skupštine

Broj: 02-11-19762/20

Datum, 23.12.2020. godine

Z e n i c a

Mirnes Bašić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

1x a/a.